

1959

საქართველოს საბჭოთა სოციალისტური რესპუბლიკის



უმაღლესი საბჭოს  
უწყებები

№ 5 (92)

მაისი

1959 წელი

მ ი ნ ა ა რ ს ი

საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

7832

1. საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებითი ბარათი „სოფლის სკოლის მასწავლებელთა შეღავათებისა და უპირატესობის თაობაზე სსრ კავშირის მინისტრთა საბჭოს 1948 წლის 10 თებერვლის დადგენილების შესრულების მიმდინარეობის შესახებ ბორჯომის, გურჯაანისა და დუშეთის რაიონებში“.
2. საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებითი ბარათი „რადიოფიკაციის მდგომარეობის შესახებ ახალქალაქის ბოგდანოვიკის, მესტიისა და ხულოს რაიონებში“.
3. საქართველოს სსრ მშრომელთა დეპუტატების მეშვიდე მოწვევის ადგილობრივი საბჭოების პირველი სესიების შედეგების შესახებ.
4. ბრძანებულება საავტომობილო გზების მშენებლობასა და რემონტში კოლმეურნეობების, საბჭოთა მეურნეობების, სამრეწველო, სატრანსპორტო, სამშენებლო და სხვა საწარმოებისა და სამეურნეო ორგანიზაციების ჩაბმის წესის, ვადებისა და ფორმების, აგრეთვე საჯარო სამუშაოებში მონაწილეობისაგან თავის არიდებისათვის პასუხისმგებლობის შესახებ.
5. ბრძანებულება საქართველოს სსრ საპატიო წოდებათა დებულების ახალი რედაქციით დამტკიცების შესახებ.
6. ბრძანებულება საქართველოს სსრ უმაღლესი საბჭოს პრეზიდიუმის საპატიო სიგელის დებულების ახალი რედაქციით დამტკიცების შესახებ.
7. ბრძანებულება საქართველოს სსრ სისხლის სამართლის კოდექსის 144 და 145 მუხლებში ცვლილებების შეტანის შესახებ.
8. ბრძანებულება საქართველოს სსრ ქუთაისის რაიონის სახალხო სასამართლოს გაუქმების შესახებ.
9. საქართველოს სსრ უმაღლესი საბჭოს პრეზიდიუმის აპარატის ახალი სტრუქტურისა და შტატების შესახებ.
10. ბრძანებულება საქართველოს სსრ სკოლის დამსახურებული მასწავლებლის საპატიო წოდების მინიჭების შესახებ.
11. ბრძანებულება მედლით „ზანდარზე მამაცობისათვის“ დაჯილდოების შესახებ.
12. მრავალშვილიანი დედების „სახელოვანი დედის“ ორდენებითა და „დედობის მედლის“ მედლებით დაჯილდოების შესახებ.



## საქართველოს სსრ უმაღლესი საბჭოს პრეზიდიუმის ბრძანებულება და დადგენილება

1. საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებით ბარათი „სოფლის სკოლის მასწავლებელთა შეღავათებისა და უპირატესობის თაობაზე სსრ კავშირის მინისტრთა საბჭოს 1948 წლის 10 თებერვლის დადგენილების შესრულების მიმდინარეობის შესახებ ბორჯომის, გურჯაანისა და დუშეთის რაიონებში“

განიხილა რა საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებით ბარათი „სოფლის სკოლის მასწავლებელთა შეღავათებისა და უპირატესობის თაობაზე სსრ კავშირის მინისტრთა საბჭოს 1948 წლის 10 თებერვლის დადგენილების შესრულების მიმდინარეობის შესახებ ბორჯომის, გურჯაანისა და დუშეთის რაიონებში“ და ანიჭებს რა უდიდეს მნიშვნელობას მასწავლებელთათვის კანონით მინიჭებული შეღავათებისა და უპირატესობის ცხოვრებაში განუხრელად გატარების საქმეს, საქართველოს სსრ უმაღლესი საბჭოს პრეზიდიუმი ადგენს:

დაევალოს საქართველოს სსრ მინისტრთა საბჭოს განიხილოს საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებით ბარათი „სოფლის სკოლის მასწავლებელთა შეღავათებისა და უპირატესობის თაობაზე სსრ კავშირის მინისტრთა საბჭოს 1948 წლის 10 თებერვლის დადგენილების შესრულების მიმდინარეობის შესახებ ბორჯომის, გურჯაანისა და დუშეთის რაიონებში“ და მიიღოს საჭირო ღონისძიებანი.

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდაიშვილი.

ქ. თბილისი.  
1959 წ. 16 მაისი.

2. საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებით ბარათი „რადიოფიკაციის მდგომარეობის შესახებ ახალქალაქის, ზოგდანოვკის, მესტიისა და ხულოს რაიონებში“

განიხილა რა საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებით ბარათი „რადიოფიკაციის მდგომარეობის შესახებ ახალქალაქის, ზოგდანოვკის, მესტიისა და ხულოს რაიონებში“, საქართველოს სსრ უმაღლესი საბჭოს პრეზიდიუმი აღნიშნავს, რომ ახალქალაქის, ზოგდანოვკის, მესტიისა და ხულოს რაიონებში რადიოფიკაციის საქმეში სერიოზული ნაკლოვანებებია. ითვალისწინებს რა იმ



დრდ მნიშვნელობას, რომელიც აქვს სოფლების რადიოფიკაციას მოსახლეობის კულტურული მონახურების გაუმჯობესების საქმეში, საქართველოს სსრ უმაღლესი საბჭოს პრეზიდიუმში აღგენს:

საქართველოს სსრ უმაღლესი საბჭოს სახალხო განათლებისა და კულტურის მუდმივი კომისიის მოხსენებითი ბარათი „რადიოფიკაციის მდგომარეობის შესახებ ახალქალაქის, ზოგდანოვკის, მესტიისა და ხულოს რაიონებში“ გადაეგზავნოს საქართველოს სსრ მინისტრთა საბჭოს განსახილველად და საჭირო ღონისძიებების მისაღებად.

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ თბილისი.  
1959 წ. 16 მაისი.

**მ. საქართველოს სსრ მშრომელთა დეპუტატების მეშვიდე მოწვევის ადგილობრივი საბჭოების პირველი სესიების შედეგების შესახებ**

საქართველოს სსრ უმაღლესი საბჭოს პრეზიდიუმში აღნიშნავს, რომ მშრომელთა დეპუტატების მეშვიდე მოწვევის ადგილობრივი საბჭოების პირველი სესიები დაწესებულ ვადებში, ორგანიზებულად და მაღალ იდეურ-პოლიტიკურ დონეზე ჩატარდა. სესიებზე არჩეულ იქნა ერთი საოლქო, 68 რაიონული, 33 საქალაქო, ქალაქის 8 რაიონული, 940 სასოფლო და 35 სადაბო საბჭოს აღმასრულებელი კომიტეტი.

მშრომელთა დეპუტატების ადგილობრივი საბჭოების აღმასრულებელი კომიტეტების შემადგენლობაში არჩეულია 8.117 დეპუტატი, რომელთა 75,4 პროცენტი უმაღლესი და საშუალო განათლების მქონე პირია, რაც 840 კაციით მეტია, ვიდრე მეექვსე მოწვევის საბჭოების აღმასკომებში იყო.

მშრომელთა დეპუტატების ადგილობრივი საბჭოების პირველ სესიებზე შეიქმნა სახალხო მეურნეობის სხვადასხვა დარგის 4.235 მუდმივი კომისია, რომლებშიც არჩეულ იქნა 32.215 დეპუტატი, ანუ დეპუტატთა საერთო რიცხვის 79,7 პროცენტი.

ამასთან ერთად საქართველოს სსრ უმაღლესი საბჭოს პრეზიდიუმში აღნიშნავს, რომ მშრომელთა დეპუტატების ადგილობრივი საბჭოების პირველი სესიების მუშაობას რიგი ნაკლოვანებანი ახასიათებთ.

ასე, მაგალითად: მშრომელთა დეპუტატების აბაშის, ვანის, ლაგოდეხისა და წალენჯიხის რაიონების საბჭოებმა, რომელთაც ჯანმრთელობის დაცვის განყოფილებები გაუქმებული აქვთ, სესიებზე დაამტკიცეს რაიონული საავადმყოფოების მთავარი ექიმები; ლაგოდეხის და ახმეტის რაიონების საბჭოებმა დაამტკიცეს სოფლისა და საკოლმეურნეო მშენებლობების განყოფილებები, ნაცვლად კოლმეურნეობებში მშენებლობის განყოფილებებისა.

მშრომელთა დეპუტატების ზუგდიდის რაიონულ საბჭოს სესიაზე არ და-

უმტიკცებიათ აღმასრულებელი კომიტეტის საერთო განყოფილება და ადგილობრივი მეურნეობის კომბინატი, ხოლო ქარელის რაიონულ საბჭოს სესიაზე დაამტკიცეს სსრკ ცენტრალური სტატისტიკური სამმართველოს რაიონის ინსპექცია, რომელიც არ ითვლება აღმასკომის ორგანოდ.

მშრომელთა დეპუტატების გეგმპკორის, ლაგოდნის, მესტიის, სიღნაღის, მარნეულისა და მიაკოვსკის რაიონული საბჭოების მუდმივ კომისიებში არ არის ჩამოყალიბებული დეპუტატთა საგარეო რიცხვი.

მშრომელთა დეპუტატების ყვარლის რაიონულმა საბჭომ საბიუჯეტო კომისიის ნაცვლად შექმნა საფინანსო-საბიუჯეტო კომისია. საგარეჯოს რაიონულმა საბჭომ გააერთიანა საბიუჯეტო და კეთილმოწყობის, აგრეთვე სოფლის მეურნეობისა და საგზაო მშენებლობის კომისიები, მაშინ როცა ამ რაიონულ საბჭოების შემადგენლობაში არჩეული დეპუტატების რიცხვი იძლევა მათი ცალ-ცალკე კომისიებად შექმნის შესაძლებლობას.

მშრომელთა დეპუტატების ონის, ლენტეხის, ბოლნისისა და ლანჩხუთის რაიონულ საბჭოებს არ შეუტანიათ სესიების ოქმებში და არც დაუერთავენ ოქმისათვის სამანდატო კომისიების მოხსენებები.

მშრომელთა დეპუტატების დმანისის, თიანეთისა და ჩხოროწყუს რაიონული საბჭოების სესიებზე აღმასკომის თავმჯდომარეები, თავმჯდომარის მოადგილეები და მდივნები აირჩიეს აღმასკომის წევრებადაც. ზოგიერთ რაიონულ საბჭოს სესიაზე მუდმივი კომისიები შექმნილია აღმასკომებთან, ნაცვლად საბჭოსი, როგორც ამას მოითხოვს მუდმივი კომისიების დებულება.

საქართველოს სსრ უმაღლესი საბჭოს პრეზიდიუმში ადგენს:

1. დაევალოს საქართველოს სსრ მშრომელთა დეპუტატების საოლქო, რაიონულ და საქალაქო საბჭოების აღმასრულებელ კომიტეტებს:

ა) გადასინჯონ აღმასკომების განყოფილებებისა და მუდმივი კომისიების შექმნის თაობაზე მიღებული გადაწყვეტილებები და მორიგ სესიებზე გამოასწორონ დაშვებული დარღვევები;

ბ) ფართოდ ჩააბან საბჭოების დეპუტატები და მუდმივი კომისიები საბჭოებისა და მათი აღმასკომების მუშაობაში, დახმარება გაუწიონ დეპუტატებს ამომრჩევლებისათვის ანგარიშების ჩაბარების საქმეში. შეაჯამონ და განაზოგადონ ამომრჩეველთა მიერ წინასაარჩევნო კრებებზე წამოყენებული განაწესები და წინადადებანი, დასახონ სათანადო ღონისძიებანი მათი შესრულებისათვის; მიიღწიონ იმას, რომ საბჭოების სესიებისა და აღმასკომების გადაწყვეტილებები დეპუტატების საშუალებით სისტემატურად ეცნობოდეს მოსახლეობას;

გ) აქედანვე გაატარონ საჭირო ღონისძიებები, რათა საბჭოების აღმასრულებელი კომიტეტები, მათი სამმართველოები, განყოფილებები და საბჭოების მუდმივი კომისიები პერიოდულად აბარებდნენ ანგარიშებს საბჭოების სესიებს;

დ) საბჭოების ორგმასობრივი მუშაობის გაუმჯობესებისა და დახმარების მიზნით პერიოდულად მოისმინონ მშრომელთა დეპუტატების საოლქო, რაიონული და საქალაქო საბჭოების აღმასრულებელი კომიტეტების სხდომებზე ქვემდგომი საბჭოების აღმასრულებელი კომიტეტების ანგარიშები;

ე) უზრუნველყონ ქვემდგომი საბჭოების სესიებისა და აღმასრულებელი კომიტეტების სხდომების ოქმების დროულად მიღება-განხილვა და მიღებულ



გადაწყვეტილებათა კანონიერების შემოწმება; კონტროლი დააწესონ მათ შესრულებაზე.

2. დაევალოს საქართველოს სსრ მშრომელთა დეპუტატების საოლქო, რაიონული, საქალაქო საბჭოების აღმასრულებელ კომიტეტებს ჩაატარონ ქვემდგომი საბჭოების აღმასრულებელი კომიტეტების თავმჯდომარეების, მდივნებისა და მულმივი კომისიების თავმჯდომარეების საინსტრუქტაჟო თათბირები, ერაწყონ მათთვის ლექციები, საუბრები და სემინარები საბჭოების მუშაობის ცალკეულ საკითხებზე.

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ. თბილისი.  
1959 წ. 16 მაისი.

4. ბრძანებულება საავტომობილო გზების მშენებლობასა და რემონტში კოლმეურნეობების, საბჭოთა მეურნეობების, სამრეწველო, სატრანსპორტო, სამშენებლო და სხვა საწარმოებისა და სამეურნეო ორგანიზაციების ჩაბმის წესის, ვადებისა და ფორმების, აგრეთვე საგზაო სამუშაოებში მონაწილეობისაგან თავის არიდებისათვის პასუხისმგებლობის შესახებ

შესაბამისად სსრ კავშირის უმაღლესი საბჭოს პრეზიდიუმის 1958 წლის 26 ნოემბრის ბრძანებულებისა „სავტომობილო გზების მშენებლობასა და რემონტში კოლმეურნეობების, საბჭოთა მეურნეობების, სამრეწველო, სატრანსპორტო, სამშენებლო და სხვა საწარმოებისა და სამეურნეო ორგანიზაციების მონაწილეობის შესახებ“ საქართველოს სსრ უმაღლესი საბჭოს პრეზიდიუმში ადგენს:

1. ადგილობრივი სავტომობილო გზების მშენებლობასა და რემონტში მონაწილეობს ყველა კოლმეურნეობა, საბჭოთა მეურნეობა, სამრეწველო, სატრანსპორტო, სამშენებლო და სხვა საწარმო და სამეურნეო ორგანიზაცია, რომლებიც მდებარეობენ როგორც სოფლებში, ისე ქალაქებში, მიუხედავად მათი დაქვემდებარებისა. ჩამოთვლილი ორგანიზაციების მონაწილეობა საგზაო სამუშაოებში სავალდებულოა და მისი ანაზღაურება არ ხდება.

2. კოლმეურნეობები ყოველ წელს იღებენ მონაწილეობას ადგილობრივი სავტომობილო გზების მშენებლობასა და რემონტში კოლმეურნეობის ყოველ შრომისუნარიან წევრზე გამომუშავების ორიდან ოთხამდე დღიური ნორმის, აგრეთვე კოლმეურნეობების კუთვნილ ყოველ სატვირთო ავტომობილზე, ტრაქტორზე, სამშენებლო და საგზაო მექანიზმზე და ცოცხალი გამწვევი ძალის ყოველ ერთეულზე ოთხი დღიური ნორმის მოცულობით.

გამომუშავების დღიური ნორმების კონკრეტულ რაოდენობას აწესებენ მშრომელთა დეპუტატების რაიონული და საქალაქო საბჭოების აღმასრულებელი კომიტეტები, სამხრეთ ოსეთის ავტონომიური ოლქის საბჭოს აღმასრულებელი კომიტეტი და ავტონომიური რესპუბლიკების მინისტრთა საბჭოები საბჭოთა მოცულობისა და ხასიათის მიხედვით.



3. საბჭოთა მეურნეობები, ხე-ტყის მრეწველობის მეურნეობანი, სარემონტო-ტექნიკური სადგურები, სამრეწველო, სატრანსპორტო, სამშენებლო საწარმოები და სამეურნეო ორგანიზაციები (ჯარდა გზატყვილების მთავარი სამმართველოს საგზაო ორგანიზაციებისა) მონაწილეობენ ადგილობრივი საავტომობილო გზების მშენებლობასა და რემონტში გამოიყენების ექვსი დღიური ნორმის მოცულობით წელიწადში, მათ კუთვნილ ყოველ სატვირთო ავტომობილზე, ტრაქტორზე, სამშენებლო და საგზაო მექანიზმზე.

4. ამ ბრძანებულების მე-3 მუხლით გათვალისწინებულ სამუშაოთა მოცულობაში არ შედის საგზაო სამუშაოები, რომლებსაც შეასრულებენ საბჭოთა მეურნეობები, ხე-ტყის მრეწველობის მეურნეობები, სარემონტო-ტექნიკური სადგურები, სამრეწველო, სატრანსპორტო, სამშენებლო საწარმოები და სამეურნეო ორგანიზაციები მათი კუთვნილი საუწყებო გზების მშენებლობის, რემონტისა და მოვლა-შენახვისათვის.

5. მშრომელთა დეპუტატების რაიონული და საქალაქო საბჭოების აღმასრულებელ კომიტეტებს, სამხრეთ ოსეთის ავტონომიური ოლქის საოლქო საბჭოს აღმასრულებელ კომიტეტს და ავტონომიური რესპუბლიკების მინისტრთა საბჭოებს უფლება ეძლევათ, გამონაკლის შემთხვევებში, ცალკეულ კოლმეურნეობებს, საბჭოთა მეურნეობებს, საწარმოებს, სამეურნეო ორგანიზაციებს, მათი შუამდგომლობით, შეუცვალონ საგზაო სამუშაოებში მონაწილეობა ფულადი შესატანით შესასრულებელ სამუშაოთა სახარჯთაღრიცხვო ღირებულების ოდენობით.

6. ამ ბრძანებულების მე-3 მუხლში ჩამოთვლილი ის საწარმოები და ორგანიზაციები, რომლებსაც არა აქვთ საკუთარი ტრანსპორტი, მექანიზმები და მოწყობილობა, ადგილობრივი გზების მშენებლობასა და რემონტში მონაწილეობენ იმ მოცულობით და წესით, რომლებსაც ადგენენ მშრომელთა დეპუტატების რაიონული და საქალაქო საბჭოების აღმასრულებელი კომიტეტები, სამხრეთ ოსეთის ავტონომიური ოლქის საოლქო საბჭოს აღმასრულებელი კომიტეტი და ავტონომიური რესპუბლიკების მინისტრთა საბჭოები.

7. საგზაო სამუშაოთა შესასრულებლად ყველა მექანიზმს, მოწყობილობას, სატრანსპორტო საშუალებასა და გამწვევ ძალას მძღოლებთან, მომსახურე პერსონალსა და დასატვირთავ-გადმოსატვირთავი სამუშაოებისათვის საჭირო მუშახელთან ერთად გამოჰყოფენ სამეურნეო ორგანიზაციები და უზრუნველყოფენ საწვავით, საცხებიითა და სხვა მასალებით საკუთარი ფონდებიდან და თავიანთ ხარჯზე.

8. დაწესდეს, რომ საგზაო სამუშაოებში, სამეურნეო ორგანიზაციების უშუალო მონაწილეობის ძირითადი ფორმებია:

ა) კოლმეურნეობებში—მუდმივი საგზაო ბრიგადები;

ბ) საბჭოთა მეურნეობებში, სამრეწველო, სატრანსპორტო, სამშენებლო და სხვა საწარმოებსა და სამეურნეო ორგანიზაციებში—მუდმივი მექანიზმბული რაზმები ან ბრიგადები მათთვის დაწესებული საგზაო სამუშაოთა მოცულობისა და იმ მექანიზმების რაოდენობის მიხედვით, რომლებიც გამოყოფილია ამ სამუშაოთა შესასრულებლად.

9. ადგილობრივი საავტომობილო გზების მშენებლობასა და შეკეთებაში კოლმეურნეობების, საბჭოთა მეურნეობების, საწარმოების, სამეურნეო ორგანიზაციების მონაწილეობის წლიურ გეგმებს ადგენენ თითოეულ რაიონში მშრომელთა დეპუტატების რაიონული საბჭოების აღმასრულებელი კომიტე-

ტები და ამტკიცებენ შესაბამისად სამხრეთ ოსეთის ავტონომიური ოლქის აღმასრულებელი კომიტეტი, ავტონომიური რესპუბლიკების მინისტრთა საბჭოები და საქართველოს სსრ მინისტრთა საბჭო.

დამტკიცებული გეგმების საფუძველზე, არა უგვიანეს 2 თვისა წლის დაწყებამდე, ყოველ კოლმეურნეობას, საბჭოთა მეურნეობას, საწარმოს, სამეურნეო ორგანიზაციას ეცნობება წლიური დავალება, რომელიც ითვალისწინებს სამუშაოთა შესრულების ადგილს, მოცულობასა და ვადებს. კოლმეურნეობებს, საბჭოთა მეურნეობებს, საწარმოებს, სამეურნეო ორგანიზაციებს ეს დავალებანი შეაქვთ თავიანთ წლიურ საწარმო-ფინანსურ გეგმებში.

10. ადგილობრივ საავტომობილო გზებზე იმ სამუშაოთა ტექნიკური მეთაურობა, კონტროლი და მიღება, რომლებიც სრულდება ამ ბრძანებულების შესაბამისად, ხორციელდება მშრომელთა დეპუტატების რაიონული და საქალაქო საბჭოების აღმასრულებელი კომიტეტების ადგილობრივი საგზაო ორგანოების მეშვეობით.

11. მოწყობილობის, საშენი მასალების, იარაღებისა და ინვენტარის შესაძენად, ტექნიკური პერსონალის შესანახად, კვალიფიციური მუშა-ხელის ხელფასისა და სხვა ხარჯებისათვის, რაც საჭიროა იმ საგზაო სამუშაოთა ორგანიზაციისათვის, რომლებიც სრულდება კოლმეურნეობების, საბჭოთა მეურნეობების, სამრეწველო, სატრანსპორტო, სამშენებლო და სხვა საწარმოთა და სამეურნეო ორგანიზაციათა მონაწილეობით, შესაბამის ადგილობრივ ბიუჯეტში ყოველწლიურად გამოიყოფა ფულადი სახსრები აღნიშნულ ორგანიზაციათა მიერ შესასრულებელ სამუშაოთა სახარჯთაღრიცხვო ღირებულების სულ ცოტა 20 პროცენტის რაოდენობით.

12. საგზაო სამუშაოებში მონაწილეობისაგან თავის არიდებისათვის კოლმეურნეობებს, საბჭოთა მეურნეობებს, სამრეწველო, სატრანსპორტო, სამშენებლო და სხვა საწარმოებსა და სამეურნეო ორგანიზაციებს მშრომელთა დეპუტატების რაიონული და საქალაქო საბჭოების აღმასრულებელი კომიტეტების გადაწყვეტილებით გადახდებათ უდავო წესით მათ მიერ შეუსრულებელ სამუშაოთა სახარჯთაღრიცხვო ღირებულების 50 პროცენტი, ხოლო მათს ხელმძღვანელებს დაეკისრებათ ჯარიმა 300-დან 500 მანეთამდე.

ამ თანხების გადახდა მათ არ ათავისუფლებს დაწესებული მოცულობის საგზაო სამუშაოთა შესრულებისაგან.

13. ფულადი თანხები, გადახდევინებული საგზაო სამუშაოებში მონაწილეობისაგან თავის არიდებისათვის, აგრეთვე თანხები, რომლებსაც სამეურნეო ორგანიზაციები შეიტანენ საგზაო სამუშაოებში მონაწილეობის ნაცვლად (მუხლი 5) ჩაირიცხება ადგილობრივი საგზაო ორგანოების სპეციალურ ანგარიშზე და დაინხარჯება მხოლოდ ადგილობრივი საავტომობილო გზების მშენებლობასა და რემონტზე საგზაო სამუშაოებისათვის ბიუჯეტით გათვალისწინებული ფულად ასიგნებათა გარდა, წლის განმავლობაში გამოუყენებელი ფულადი სახსრები, რომლებიც ჩაირიცხულია საგზაო ორგანოების სპეციალურ ანგარიშებზე, ინარჩუნებენ თავიანთ მიზნობრივ დანიშნულებას შემდეგ წელს.

14. ძალადაკარგულად ჩაითვალოს საქართველოს სსრ სახალხო კომისარათა საბჭოს 1940 წლის 25 მარტის დადგენილება „გზატკეცილებისა და



ყამირ გზების მშენებლობისა და რემონტის საქმეში სოფლის მოსახლეობის შრომითი მონაწილეობის წესის შესახებ“ (დადგ. კრებ. № 4, მუხ. 20).

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ. თბილისი.  
1959 წ. 16 მაისი.

**ბ. ბრძანებულება საქართველოს სსრ საპატიო წოდებათა დებულების ახალი რედაქციით დამტკიცების შესახებ**

საქართველოს საბჭოთა სოციალისტური რესპუბლიკის უმაღლესი საბჭოს პრეზიდიუმი ადგენს:

1. დამტკიცდეს საქართველოს სსრ საპატიო წოდებათა დებულება ახალი რედაქციით. (თან ერთვის).

2. აღნიშნული ბრძანებულების გამოცემასთან დაკავშირებით ძალადაკარგულად ჩაითვალოს საქართველოს სსრ უმაღლესი საბჭოს პრეზიდიუმის ბრძანებულებები:

1940 წლის 25 აპრილისა „საქართველოს სსრ საპატიო წოდებათა დებულების დამტკიცების შესახებ“;

1943 წლის 28 ივლისისა „საქართველოს სსრ სახალხო მხატვრის წოდების დაწესების შესახებ“;

1949 წლის 5 მაისისა „საქართველოს სსრ საპატიო წოდებათა დებულების დამატების შესახებ“;

1953 წლის 28 ნოემბრისა „საქართველოს სსრ დამსახურებული აგრონომის საპატიო წოდების დაწესების შესახებ“;

1955 წლის 20 დეკემბრისა და „საქართველოს სსრ საპატიო წოდებათა დებულების დამატების შესახებ“;

1956 წლის 26 სექტემბრისა „საქართველოს სსრ პროფესიულ-ტექნიკური განათლების დამსახურებული ოსტატისა და საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდებების დაწესების შესახებ“;

1957 წლის 28 ნოემბრისა „საქართველოს სსრ სოფლის მეურნეობის დამსახურებული მექანიზატორის საპატიო წოდების დაწესების შესახებ“.

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ. თბილისი.  
1959 წ. 16 მაისი.



## დ ე ბ უ ლ ე ბ ა

### საქართველოს სსრ საპატიო წოდებათა შესახებ

#### ნაწილი I

დაწესდეს, რომ ცალკეულ პირებს სახალხო მეურნეობისა და კულტურის სხვადასხვა დარგებში თვალსაჩინო დამსახურებისათვის, მათი კონტრიბუციისა და სამუშაოს მიხედვით შეიძლება მიენიჭოთ საქართველოს სსრ შემდეგი საპატიო წოდებები:

საქართველოს სსრ მეცნიერებისა და ტექნიკის დამსახურებული მოღვაწის;

საქართველოს სსრ მეცნიერების დამსახურებული მოღვაწის;

საქართველოს სსრ სახალხო არტისტის;

საქართველოს სსრ სახალხო მხატვრის;

საქართველოს სსრ ხელოვნების დამსახურებული მოღვაწის;

საქართველოს სსრ დამსახურებული არტისტის;

საქართველოს სსრ სკოლის დამსახურებული მასწავლებლის;

საქართველოს სსრ პროფესიულ-ტექნიკური განათლების დამსახურებული მასწავლებლის;

საქართველოს სსრ პროფესიულ-ტექნიკური განათლების დამსახურებული ოსტატის;

საქართველოს სსრ დამსახურებული ექიმის;

საქართველოს სსრ დამსახურებული აგრონომის;

საქართველოს სსრ დამსახურებული ვეტერინარი ექიმის;

საქართველოს სსრ დამსახურებული ზოოტექნიკოსის;

საქართველოს სსრ სოფლის მეურნეობის დამსახურებული მექანიზატორის.

ცალკეულ მუსიკალურ, გუნდურ, ცეკვისა და სხვა შემსრულებელ კოლექტივებს შეიძლება მიენიჭოთ საქართველოს სსრ დამსახურებული ანსამბლის საპატიო წოდება.

#### ნაწილი II

1. საქართველოს სსრ მეცნიერებისა და ტექნიკის დამსახურებული მოღვაწის ან მეცნიერების დამსახურებული მოღვაწის საპატიო წოდება მიენიჭებათ სამეცნიერო-საკვლევო დაწესებულებებისა და უმაღლესი სასწავლებლების მუშაკებს განსაკუთრებით მნიშვნელოვანი ნაშრომებისათვის, მეცნიერებისა და ტექნიკის დარგში აღმოჩენებისა და გამოგონებისათვის, რომელთაც განსაკუთრებული მნიშვნელობა აქვთ კომუნისტური მშენებლობისათვის, ან თვალსაჩინო სამეცნიერო-პედაგოგიურ და სამეცნიერო-პოპულარიზატორულ მოღვაწეობისათვის.

2. საქართველოს სსრ სახალხო არტისტის საპატიო წოდება მიენიჭებათ თეატრის, კინოს, ფილარმონიის, ესტრადის, ცირკის განსაკუთრებული ოსტატობის მქონე მსახიობებსა და რეჟისორებს, მუსიკალურ შემსრულებლებს, აგრეთვე დრამატურგებს, დირიჟორებსა და კომპოზიტორებს თვალსაჩინო მხატვრული სახეების, სპექტაკლების, კინოფილმებისა და მუსიკალური ნაწარმოებების შექმნისათვის და რომლებსაც განსაკუთრებული დამსახურება მიუძღვით ქართული საბჭოთა ხელოვნების განვითარების საქმეში.

3. საქართველოს სსრ სახალხო მხატვრის საპატიო წოდება მიენიჭებათ ქართული საბჭოთა სახვითი ხელოვნების ყველაზე თვალსაჩინო მოღვაწეებს მალაქმხატვრული ნაწარმოებების შექმნისათვის და განსაკუთრებული დამსახურებისათვის ფერწერის, ქანდაკების, გრაფიკის, დეკორატიული და გამოყენებითი ხელოვნების განვითარების საქმეში.

4. საქართველოს სსრ ხელოვნების დამსახურებული მოღვაწის საპატიო წოდება მიენიჭებათ რეჟისორებს, მხატვრებს, მოქანდაკეებს, არქიტექტორებს, დრამატურგებს, კომპოზიტორებსა და ხელოვნების სხვა მოღვაწეებს, რომლებმაც შექმნეს ხელოვნების თვალსაჩინო ნაწარმოებები ან დიდი დამსახურება მოიპოვეს სამხატვრო კადრების აღზრდისა და მომზადების საქმეში, აგრეთვე ხელოვნების დარგში სამეცნიერო ნაშრომების შექმნაში.

5. საქართველოს სსრ დამსახურებული არტისტის საპატიო წოდება მიენიჭებათ თეატრის, კინოს, ფილარმონიის, ესტრადის, ცირკის მაღალი ოსტატობის მქონე არტისტებსა და რეჟისორებს, მუსიკალურ ზენსრულელებს, რომლებმაც შექმნეს ზალალმხატვრული სახეები, სპექტაკლები, კინო-ფილმები, მუსიკალური ნაწარმოებები და თავიანთი მოღვაწეობით ხელს უწყობენ ქართული საბჭოთა ხელოვნების განვითარებას.

6. საქართველოს სსრ სკოლის დამსახურებული მასწავლებლის საპატიო წოდება მიენიჭებათ საბავშვო ბაღებისა და საბავშვო სახლების აღმზრდელებსა და გაზგეებს, დაწყებითი სკოლების მასწავლებლებსა და გაზგეებს, შვიდწლიანი, საშუალო და სპეციალური სკოლების, პედაგოგიური სასწავლებლების, ტექნიკუმების, მუშა და სოფლის ახალგაზრდობის სკოლების მასწავლებლებსა და დირექტორებს, სახალხო განათლების რაიონული, საქალაქო და საოლქო განყოფილებების ინსპექტორებსა და გაზგეებს, პედაგოგიური და მეთოდური კაბინეტების გამგეებსა და მეთოდისტებს, საქართველოს სსრ, აფხაზეთის ასსრ და აჭარის ასსრ განათლების სამინისტროების ინსპექტორებს, რომლებსაც აქვთ მუშაობის არანაკლებ 20 წლის სტაჟი, განსაკუთრებით გამოიჩინეს თავი აღმზრდელობით-პედაგოგიური მოღვაწეობით და რომლებმაც დიდ წარმატებებს მიაღწიეს ბავშვთა კომუნისტური აღზრდისა და საზოგადოებრივ ცხოვრებაში აქტიური მონაწილეობის მიღების საქმეში.

7. საქართველოს სსრ პროფესიულ-ტექნიკური განათლების დამსახურებული მასწავლებლის საპატიო წოდება მიენიჭებათ სახელოსნო, რკინიგზის, ტექნიკური, სპეციალური სახელოსნო-სასწავლებლების, სოფლის მეურნეობის მექანიზაციის სახელოსნო-სასწავლებლების, სოფლის მეურნეობის მექანიზაციის სასწავლებლების, საფაბრიკო-საქარხნო სწავლების სკოლებისა და სამშენებლო სკოლების მასწავლებლებს, საქართველოს შრომითი რეზერვების რესპუბლიკური სამმართველოს ინსპექტორებს, რომლებსაც აქვთ უმაღლესი განათლება, პროფესიულ-ტექნიკური განათლების დარგში მუშაობის არანაკლებ 15 წლის სტაჟი და განსაკუთრებული დამსახურება აღმზრდელობით-პედაგოგიურ მოღვაწეობაში. იმ თვალსაჩინო წარმატებებისათვის, რომლებიც მოიპოვეს ახალგაზრდობის კომუნისტური აღზრდისა და საზოგადოებრივ ცხოვრებაში აქტიური მონაწილეობის საქმეში.

8. საქართველოს სსრ პროფესიულ-ტექნიკური განათლების დამსახურებული ოსტატის საპატიო წოდება მიენიჭებათ სახელოსნო, რკინიგზის, ტექნიკური, სპეციალური სახელოსნო-სასწავლებლების, სოფლის მეურნეობის მექანიზაციის სახელოსნო-სასწავლებლების, სოფლის მეურნეობის მექანიზაციის სასწავლებლების, საფაბრიკო-საქარხნო სწავლების სკოლებისა და სამშენებლო

სკოლების საწარმოო სწავლების ოსტატებს, საქართველოს შრომითი რეზერვების რესპუბლიკური სამმართველოს ინსპექტორებს, რომლებსაც აქვეთ საშუალო სპეციალური ან უმაღლესი განათლება, პროფესიულ-ტექნიკური განათლების სასწავლო დაწესებულებებში მუშაობის არანაკლებ 15 წლის სტაჟი და განსაკუთრებული დამსახურება აღმზრდელობით-პედაგოგიურ მოღვაწეობაში, იმ თვალსაჩინო წარმატებებისათვის, რომლებიც მოიპოვეს ახალგაზრდობის კომუნისტური აღზრდისა და საზოგადოებრივ ცხოვრებაში აქტიური მონაწილეობის საქმეში.

**9. საქართველოს სსრ დამსახურებული ექიმის საპატიო წოდება** მიენიჭებათ საექიმო უბნების, ამბულატორიების, სამშობიარო სახლების, საავადმყოფოების, პოლიკლინიკების, სანატორიუმებისა და სხვა სამკურნალო-პროფილაქტიკურ და სანიტარულ დაწესებულებათა ექიმებს, რომლებსაც აქვეთ ამ დაწესებულებებში მუშაობის არანაკლებ 20 წლის სტაჟი და განსაკუთრებით გამოიჩინეს თავი სახალხო ჯანმრთელობის დაცვის დარგში პრაქტიკული მოღვაწეობით.

**10. საქართველოს სსრ დამსახურებული აგრონომის საპატიო წოდება** მიენიჭებათ კოლმეურნეობების, საბჭოთა მეურნეობების, სოფლის მეურნეობის სამეცნიერო-საკვლევი დაწესებულებებისა და სოფლის მეურნეობის ორგანოების მაღალკვალიფიციური აგრონომებს, რომელთაც უმუშავიათ სოფლის მეურნეობის ორგანოებში სპეციალისტის მიხედვით არანაკლებ 15 წლისა და თვალსაჩინო დამსახურება მიუძღვით სოფლის მეურნეობის განვითარების საქმეში.

**11. საქართველოს სსრ დამსახურებული ვეტერინარი ექიმის ან დამსახურებული ზოოტექნიკოსის საპატიო წოდება** მიენიჭებათ მაღალკვალიფიციურ სპეციალისტებს, რომლებსაც უმუშავიათ სპეციალისტის მიხედვით არანაკლებ 15 წლისა და თვალსაჩინო დამსახურება მიუძღვით კოლმეურნეობებსა და საბჭოთა მეურნეობებში მეცხოველეობის განვითარების საქმეში.

**12. საქართველოს სსრ სოფლის მეურნეობის დამსახურებული მექანიზატორის საპატიო წოდება** მიენიჭებათ სარემონტო-ტექნიკურ და მეცხოველეობის სამანქანო სადგურების, კოლმეურნეობებისა და საბჭოთა მეურნეობების ტრაქტორისტებს, კომბაინერებს, ინჟინრებსა და ტექნიკოსებს, სამეცნიერო-საკვლევი დაწესებულებების, სასწავლებლებისა და სასოფლო-სამეურნეო ორგანოების მუშაკებს, რომელთაც აქვეთ სპეციალისტის მიხედვით მუშაობის არანაკლებ 15 წლის სტაჟი და თვალსაჩინო დამსახურება მიუძღვით სოფლის მეურნეობის მექანიზაციის დარგში, მოწინავე ტექნიკის ათვისებისა და სასოფლო სამეურნეო წარმოებაში მისი დანერგვის საქმეში.

**13. საქართველოს სსრ დამსახურებული ანსამბლის საპატიო წოდება** მიენიჭებათ მუსიკალურ, გუნდურ, ცეკვისა და სხვა კოლექტივებს შესრულების მაღალმატრული ოსტატობისა და წარმატებითი შენობენითი მოღვაწეობისათვის, რაც ხელს უწყობს ქართული საბჭოთა ხელოვნების განვითარებას.

### ნაწილი III

საქართველოს სსრ საპატიო წოდებანი მიენიჭება საქართველოს სსრ უმაღლესი საბჭოს პრეზიდიუმის მიერ საქართველოს სსრ სახალხო მეურნეობის საბჭოს, სამინისტროებისა და უწყებების წარდგენით.

საპატიო წოდებათა მინიჭების შესახებ სახალხო მეურნეობის საბჭოს, სამინისტროებისა და უწყებების წინაშე უშამდგომლობის აღძვრა შეუძლიათ მშრომელთა დეპუტატების რაიონულ და საქალაქო საბჭოების აღმასკომებს, პარტიულ, პროფკავშირულ და სხვა სახელმწიფო და საზოგადოებრივ ორგანიზაციებს. ავტონომიურ რესპუბლიკებსა და ავტონომიურ ოლქში მშრომელთა დეპუტატების საბჭოების აღმასკომები და ორგანიზაციები უშამდგომლობას აღ-



ძრავენ ავტონომიური რესპუბლიკების მინისტრთა საბჭოების ან ავტონომიური ოლქის მშრომელთა დეპუტატების საოლქო საბჭოს აღმასკომის წინაშე, რომლებსაც თავიანთი წინადადებანი შეაქვეთ სათანადო სამინისტროებსა და უწყებებში.

მშრომელთა დეპუტატების რაიონული და საქალაქო საბჭოების აღმასრულებელმა კომიტეტებმა და სხვა სახელმწიფო და საზოგადოებრივმა ორგანიზაციებმა ცალკეულ პირთათვის საპატიო წოდებების მინიჭების შესახებ შეამდგომლობის აღძვრისას სახალხო მეურნეობის საბჭოს, სათანადო სამინისტროსა და უწყებას, ხოლო უკანასკნელებმა საქართველოს სსრ უმაღლესი საბჭოს პრეზიდიუმს უნდა წარუდგინონ შემდეგი საბუთები:

ა) დასაბუთებული გადაწყვეტილება დაწესებულების ან ორგანიზაციის ხელმძღვანელის ხელმოწერით;

ბ) ვრცელი დახასიათება საწარმოო, სამეცნიერო, საზოგადოებრივ-პოლიტიკური მოღვაწეობისა ან სხვა დამსახურების შესახებ;

გ) ავტობიოგრაფია, ფოტოსურათი და კადრების აღრიცხვის ფურცელი. საქართველოს სსრ უმაღლესი საბჭოს პრეზიდიუმში სამინისტროებისა და უწყებების მიერ წარმოდგენილ მასალებს თან უნდა ერთოდეს სათანადო პროფესიული კავშირის ცენტრალური კომიტეტის დასკვნა.

#### ნაწილი IV

იმ პირებს, რომლებსაც მიენიჭათ საქართველოს სსრ საპატიო წოდება, გადაეცემათ საქართველოს სსრ უმაღლესი საბჭოს პრეზიდიუმის თავმჯდომარისა და მდივნის მიერ ხელმოწერილი დაწესებულის ნიშნის სიგელი.

საქართველოს სსრ საპატიო წოდების ჩამორთმევა შეიძლება მოხდეს მხოლოდ საქართველოს სსრ უმაღლესი საბჭოს პრეზიდიუმის დადგენილებით.

#### 6. ბრძანებულება საქართველოს სსრ უმაღლესი საბჭოს პრეზიდიუმის საპატიო სიგელის დებულების ახალი რედაქციით დამტკიცების შესახებ

საქართველოს საბჭოთა სოციალისტური რესპუბლიკის უმაღლესი საბჭოს პრეზიდიუმი ადგენს:

1. დამტკიცდეს საქართველოს სსრ უმაღლესი საბჭოს პრეზიდიუმის საპატიო სიგელის დებულება ახალი რედაქციით. (თან ერთვის).
2. აღნიშნული ბრძანებულების გამოცემასთან დაკავშირებით ძალადაკარგულად ჩაითვალოს საქართველოს სსრ უმაღლესი საბჭოს პრეზიდიუმის საპატიო სიგელის დებულება, დამტკიცებული საქართველოს სსრ უმაღლესი საბჭოს პრეზიდიუმის 1939 წლის 23 ივნისის ბრძანებულებით.

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გულდიაშვილი.



დ ე ბ უ ლ ე ბ ა

საქართველოს სსრ უმაღლესი საბჭოს პრეზიდიუმის საპატიო სიგელის შესახებ

საქართველოს სსრ უმაღლესი საბჭოს პრეზიდიუმის საპატიო სიგელით ჯილდოვდებიან მუშები, კოლმეურნეები, მოსამსახურეები, ინჟინერ-ტექნიკური მუშაკები, მეცნიერების, ლიტერატურისა და ხელოვნების დოკტორები, აგრეთვე სახელმწიფოებრივი და საზოგადოებრივი დაწესებულებები, საწარმოები და ორგანიზაციები საწარმოო გეგმებისა და დავალებების შესრულებაში მოპოვებული მაღალი მაჩვენებლებისათვის, უხვი მოსავლის მიღებისათვის, მეცხოველეობის განვითარებისათვის, ნაყოფიერი საწარმოო, სამეცნიერო და საზოგადოებრივ პოლიტიკური მოღვაწეობისათვის, განათლების, ჯანმრთელობის დაცვის, ლიტერატურის, ხელოვნების, ფიზიკური კულტურისა და სპორტის და რესპუბლიკის პოლიტიკურ, სამეურნეო და კულტურული მშენებლობის სხვა დარგებში დამსახურებისათვის.

2. საპატიო სიგელით დაჯილდოვება ხდება საქართველოს სსრ უმაღლესი საბჭოს პრეზიდიუმის ბრძანებულებით მშრომელთა დეპუტატების რაიონული და საქალაქო საბჭოების აღმასკომების, სახალხო მეურნეობის საბჭოს, სამინისტროების, უწყებების, პარტიული და საზოგადოებრივი ორგანიზაციების, აგრეთვე ავტონომიური რესპუბლიკების უმაღლესი საბჭოების პრეზიდიუმებისა და ავტონომიური ოლქის მშრომელთა დეპუტატების საბჭოს აღმასრულებელი კომიტეტის წარდგენით.

3. ცალკეულ პირთა, დაწესებულებათა, საწარმოთა და ორგანიზაციათა საპატიო სიგელით დასაჯილდოებლად შუამდგომლობის აღძვრისას წარდგენილ უნდა იქნას შემდეგი საბუთები:

ა) მშრომელთა დეპუტატების რაიონული ან საქალაქო საბჭოს აღმასრულებელი კომიტეტის დასაბუთებული გადაწყვეტილება ან სამინისტროს, დაწესებულების და ორგანიზაციის წარდგინება;

ბ) საწარმოო, სამეცნიერო, შემოქმედებითი ან საზოგადოებრივ-პოლიტიკური მოღვაწეობის ვრცელი დახასიათება წარდგენილი პირის დამსახურების ჩვენებით.

გ) ავტობიოგრაფია, ფოტოსურათი და კადრების ალრიცხვის ფურცელი. საბუთებს თან უნდა ერთოდეს სათანადო პროფკავშირული ორგანოს დასკვნა.

4. დაჯილდოებულებს გადაეცემათ საქართველოს სსრ უმაღლესი საბჭოს პრეზიდიუმის თავმჯდომარისა და მდივნის მიერ ხელმოწერილი დაწესებულის ნიშნის საპატიო სიგელი.

5. საპატიო სიგელის ჩამორთმევა შეიძლება მოხდეს მხოლოდ საქართველოს სსრ უმაღლესი საბჭოს პრეზიდიუმის დადგენილებით.

7. ბრძანებულია საქართველოს სსრ სისხლის სამართლის კოდექსის 144 და 145 მუხლებში ცვლილებების შეტანის შესახებ

შესაბამისად სსრ კავშირისა და მოკავშირე რესპუბლიკების სისხლის სამართლის კანონმდებლობის საფუძვლების 22 და 23 მუხლებისა საქართველოს სსრ უმაღლესი საბჭოს პრეზიდიუმი ადგენს:





შეიცვალოს სასჯელების ზომები განზრახ მკვლელობისათვის და საქართველოს სსრ სისხლის სამართლის კოდექსის 144 და 145 მუხლები ჩამოყალიბდეს შემდეგნაირად:

„144. განზრახ მკვლელობა, უკეთუ იგი ჩადენილია:

- ა) ანგარებით, შურისძიებით, ექვიანობით (თუ ეს უკანასკნელი არ უღდება 146 მუხლის ნიშნებს), ხულიგნური ან სხვა ქვენა გრძობით;
- ბ) სხვა დანაშაულის ჩადენის გასაადვილებლად ან დასაფარავად;
- გ) მრავალ ადამიანთა სიცოცხლის საფრთხეში ჩადების საშუალებით;
- დ) დაზარალებულისათვის განსაკუთრებულად სატანჯველი საშუალებით;
- ე) ჩასაფრებით, ან დაზარალებულის განმარტოებულ ადგილას გატყუებით;
- ვ) იმ პირის მიერ, ვისაც ვალად ედო განსაკუთრებული ზრუნვა დაზარალებულისათვის;
- ზ) დაზარალებულის უმწეო მდგომარეობის გამოყენებით;
- თ) დამნაშავის წინასწარი შეცნობით ორსულობის მდგომარეობაში მყოფი ქალისა;

ი) იმ პირის მიერ ვისაც უკვე მოუხდია სასჯელის ღონისძიება განზრახ მკვლელობის ან სხეულის მიძიმე დაზიანებისათვის, გამოიწვევს,—

თავისუფლების აღკვეთას ათიდან თხუთმეტ წლამდე ან სიკვდილით დასჯას.

145. განზრახ მკვლელობა, უკეთუ იგი არ შეიცავს ამა კოდექსის 144 მუხლით გათვალისწინებულ ნიშნებს, გამოიწვევს თავისუფლების აღკვეთას ხუთიდან ათ წლამდე“.

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ. თბილისი.  
1959 წ. 16 მაისი.

**8. ბრძანებულება საქართველოს სსრ ქუთაისის რაიონის სახალხო  
სასამართლოს გაუქმების შესახებ**

საქართველოს სსრ უმაღლესი საბჭოს პრეზიდიუმი ადგენს:

1. საქართველოს სსრ ქუთაისის რაიონის გაუქმებასთან დაკავშირებით გაუქმდეს ქუთაისის რაიონის სახალხო სასამართლო.

2. ყოფილი ქუთაისის რაიონის სახალხო მოსამართლემ თავისი მოვალეობა შეასრულოს წყალტუბოს რაიონის სახალხო სასამართლოში, ხოლო სახალხო მსაჯულებმა—წყალტუბოსა და თერჯოლის რაიონების სახალხო სამართლოებში საცხოვრებელი ადგილის მიხედვით.

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ. თბილისი.  
1959 წ. 16 მაისი.

9. საქართველოს სსრ უმაღლესი საბჭოს პრეზიდიუმის აპარატის ახალი სტრუქტურისა და შტატების შესახებ

საბჭოთა აპარატის შემდგომი სრულყოფისა და მისი შენახვის ხარჯების შემცირების მიზნით საქართველოს სსრ უმაღლესი საბჭოს პრეზიდიუმი ადგენს:

1. შეტანილ იქნას საქართველოს სსრ უმაღლესი საბჭოს პრეზიდიუმის აპარატის სტრუქტურასა და შტატებში შემდეგი ცვლილებები:

ა) გაუქმდეს საქართველოს სსრ უმაღლესი საბჭოს პრეზიდიუმის საერთო, საოქმო, საიდუმლო, საფინანსო-სამეურნეო განყოფილებები და საქართველოს სსრ უმაღლესი საბჭოს პრეზიდიუმის თავმჯდომარის მისაღები, როგორც დამოუკიდებელი განყოფილებები და შეუერთდეს ისინი საქართველოს სსრ უმაღლესი საბჭოს პრეზიდიუმის კანცელარიას;

ბ) გაუქმდეს საქართველოს სსრ უმაღლესი საბჭოს პრეზიდიუმში განსახილველ პატიების შუამდგომლობათა მომზადების ჯგუფი და შეუერთდეს ის იურიდიულ განყოფილებას.

2. საქართველოს სსრ უმაღლესი საბჭოს პრეზიდიუმის საორგანიზაციო-საინსტრუქტორო განყოფილებას შეეცვალოს სახელწოდება—საბჭოების მუშაობის საკითხების განყოფილება.

3. საქართველოს სსრ უმაღლესი საბჭოს პრეზიდიუმის აპარატის სტრუქტურის შეცვლის შედეგად შემცირებული იქნას 16 საშტატო ერთეული, ა/წ. 1 ივნისიდან.

4. დამტკიცდეს საქართველოს სსრ უმაღლესი საბჭოს პრეზიდიუმის აპარატის შემდეგი სტრუქტურა და შტატები:

- |  |            |
|--|------------|
| 1. პრეზიდიუმის თავმჯდომარის სამდივნო         | 3 ერთეული  |
| 2. პრეზიდიუმის კანცელარია                    | 28 ერთეული |
| მ ა თ შ ო რ ი ს                              |            |
| ა) საერთო ნაწილი                             | 7 ერთეული  |
| ბ) საოქმო ნაწილი                             | 1 ერთეული  |
| გ) საფინანსო-სამეურნეო ნაწილი                | 17 ერთეული |
| დ) პრეზიდიუმის მისაღები                      | 1 ერთეული  |
| ე) ბიბლიოთეკა და არქივი                      | 1 ერთეული  |
| 3. საბჭოების მუშაობის საკითხების განყოფილება | 6 ერთეული  |
| 4. იურიდიული განყოფილება                     | 6 ერთეული  |
| 5. დაჯილდოების განყოფილება                   | 4 ერთეული. |

5. დამტკიცდეს საქართველოს სსრ უმაღლესი საბჭოს პრეზიდიუმის აპარატის საშტატო განრიგი 49 ერთეულის რაოდენობით 58.341 მანეთის თვითური ხელფასის ფონდით.

საქართველოს სსრ უმაღლესი საბჭოს პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს პრეზიდიუმის მდივანი ზ. გელდიაშვილი.




### 10. ბრძანებულება საქართველოს სსრ სკოლის დამსახურებულ მოსწავლეების საპატიო წოდების მინიჭების შესახებ

სახალხო განათლების დარგში ხანგრძლივი მუშაობისა და დიდი დამსახურებისათვის მიენიჭოთ საქართველოს სსრ სკოლის დამსახურებული მოსწავლეების საპატიო წოდება:

- |  |  |
|--|--|
| 1. აბაშაძეს მარიამ მირიანის ასულს      | — თბილისის № 29 საშუალო სკოლის მოსწავლეებს                               |
| 2. აკოპოვას ევგენია სერგის ასულს       | — გუდაუთის № 2 საშუალო სკოლის მოსწავლეებს                                |
| 3. არახამიას ისაკ გედას-ძეს            | — ცხაკაიას 7-წლიანი სკოლის სასწავლო ნაწილის გამგეს                       |
| 4. არგუნს ნადეჟდა გრიგოლის ასულს       | — გუდაუთის № 2 საშუალო სკოლის მოსწავლეებს                                |
| 5. ასათიანს სამსონ კოწიას-ძეს          | — ცაგერის რაიონის სოფელ ტევისის საშუალო სკოლის მოსწავლეებს               |
| 6. არუთინოვს გაიკ გიორგის-ძეს          | — რკინიგზის № 6 საშუალო სკოლის მოსწავლეებს, სადგური თბილისი              |
| 7. ახრახაძეს შალვა კონსტანტინეს-ძეს    | — ქიათურის მუშა ახალგაზრდობის № 2 საშუალო სკოლის დირექტორს               |
| 8. ბაბუნაშვილს სიმონ იოსების-ძეს       | — ზუგდიდის № 1 საშუალო სკოლის მოსწავლეებს                                |
| 9. ბახტაძეს დარია სიმონის ასულს        | — რკინიგზის № 3 საშუალო სკოლის მოსწავლეებს, სადგური თბილისი              |
| 10. ბეღიაშვილს ივანე სპირიდონის-ძეს    | — საგარეჯოს რაიონის განათლების განყოფილების გამგეს                       |
| 11. ბობუას იულიან ტანასის-ძეს          | — ოჩამჩირის რაიონის სოფელ გუმისის № 2 7-წლიანი სკოლის დირექტორს          |
| 12. გაჩეჩილაძეს შალვა გიორგის-ძეს      | — რკინიგზის № 9 საშუალო სკოლის სასწავლო ნაწილის გამგეს, სადგური ნავთლუდი |
| 13. გახარაას ბარნაბ სპირიდონის-ძეს     | — ჩხოროწყუს რაიონის სოფელ მუხურის საშუალო სკოლის მოსწავლეებს             |
| 14. გეგუჩაძეს ტატიანა მიხეილის ასულს   | — სამტრედიის რუსული საშუალო სკოლის დირექტორს                             |
| 15. გერმანოვიჩს ევგენია ედმუნდის ასულს | — თბილისის ყრუმუნჯ ბავშვთა სკოლის მოსწავლეებს                            |
| 16. გიორხელიძეს დომენტი იოსების-ძეს    | — თბილისის № 55 საშუალო სკოლის მოსწავლეებს                               |
| 17. გოგსაძეს იაკობ სიმონის-ძეს         | — გურჯაანის რაიონის სოფელ ვაზისუბნის საშუალო სკოლის მოსწავლეებს          |
| 18. გოგილაშვილს მიხეილ ნიკოლოზის-ძეს   | — გურჯაანის რაიონის სოფელ კაპრეთის საშუალო სკოლის მოსწავლეებს            |
| 19. გონგლიაშვილს ნინო შიოს ასულს       | — ქარელის საშუალო სკოლის მოსწავლეებს                                     |

- 20. გონჯილაშვილს მარიამ იოსების ასულს — თიანეთის საშუალო სკოლის მასწავლებელს
- 21. დავითიშვილს ნინო სამსონის ასულს — ქასპის რუსული საშუალო სკოლის მასწავლებელს
- 22. ებრალიძეს გრიგოლ იაგორის-ძეს — თბილისის ქალაქის განათლების განყოფილების სასკოლო ინსპექტორს
- 23. ესებუას აკაკი ბახვას-ძეს — ხობის რაიონის სოფელ პირველი მაისის 7-წლიანი სკოლის მასწავლებელს
- 24. ეჯუბიანს ქრისტეფორე ალექსანდრეს-ძეს — თბილისის № 66 საშუალო სკოლის მასწავლებელს
- 25. ვაშაქიძეს მარიამ იაკობის ასულს — რკინიგზის № 1 საშუალო სკოლის მასწავლებელს, სადგური თბილისი
- 26. თავხელიძეს ივანე სერგის-ძეს — მაიაკოვსკის საშუალო სკოლის დირექტორს
- 27. იოსელიანს დავით ვარდენის-ძეს — წყალტუბოს საშუალო სკოლის მასწავლებელს
- 28. კაკაურიძეს გრიგოლ ერმილეს-ძეს — ზესტაფონის რაიონის სოფელ პირველი სვირის საშუალო სკოლის მასწავლებელს
- 29. კაკიტაძეს თამარ გრიგოლის ასულს — წყალტუბოს რაიონის სოფელ დერჩის საშუალო სკოლის მასწავლებელს
- 30. კანდელაკს არხიზო ლავერენტის-ძეს — თბილისის № 77 საშუალო სკოლის მასწავლებელს
- 31. კვანჭახაძეს სოლომონ ელისეს-ძეს — რკინიგზის № 12 საშუალო სკოლის მასწავლებელს, სადგური ხაშური
- 32. კვასხვაძეს ავთანდილ ამბაკოს-ძეს — თბილისის № 51 საშუალო სკოლის მასწავლებელს
- 33. კიკნაძეს თამარ აბესალომის ასულს — ორჯონიძის № 1 საშუალო სკოლის მასწავლებელს
- 34. კორსაველს გიორგი ალექსანდრეს-ძეს — თბილისის № 43 საშუალო სკოლის დირექტორს
- 35. მანაფლი იბრაგიმ ახმედ ოღლის — თბილისის № 73 აზერბაიჯანული საშუალო სკოლის მასწავლებელს
- 36. მაჭავარიანს პავლე მურზაყანის-ძეს — მუშა ახალგაზრდობის რკინიგზის № 4 საშუალო სკოლის სასწავლო ნაწილის გამგეს, სადგური ხაშური
- 37. მგალობლიშვილს გრიგოლ ილარიონის-ძეს — თბილისის ყრუმუნჯ ბავშვთა სკოლის მასწავლებელს
- 38. მელიას პარმენ ივანეს-ძეს — ქუთაისის № 9 რუსული საშუალო სკოლის მასწავლებელს
- 39. მენაბდეს ვალერიან დავითის-ძეს — თბილისის № 25 საშუალო სკოლის მასწავლებელს
- 40. მიქაბერიძეს გიორგი ბიქიას (ივანეს)-ძეს — თბილისის № 58 საშუალო სკოლის მასწავლებელს
- 41. მისაბიშვილს ეკატერინე მელქისედექის ასულს — ქუთაისის № 8 საშუალო სკოლის მასწავლებელს
- 42. ნაზაროვას ელენე დიმიტრის ასულს — ქუთაისის პედაგოგიური სასწავლებლის მასწავლებელს

2. უწყებები № 5.



43. ნაუმენკოს ელენე კონსტანტინეს ასულს
  44. ნემსაძეს ელენე გიორგის ასულს
  45. ნიბლოშვილს ელენე მოსეს ასულს
  46. პლივეს ვლადიმერ სარდიონის-ძეს
  47. პოპოვს დიმიტრი მათეს-ძეს
  48. პოსკაჩეის ეკატერინე დიმიტრის ასულს
  49. ჟღენტს აკაკი ერმილეს-ძეს
  50. რამიშვილს თამარ სერაფიონის ასულს
  51. რუსაძეს აგრაფინა ლუკას ასულს
  52. სვანიძეს ქეთევან გიორგის ასულს
  53. სუჯაშვილს სალომე კონსტანტინეს ასულს
  54. ტრდატიანს ზარუი მარტიროსის ასულს
  55. ქარცივაძეს ილია სოლომონის-ძეს
  56. შუბლაძეს მილიცა სილოვანის ასულს
  57. შტიენბერგს ილია არონის-ძეს
  58. ჩიქოვანს დავით ვლადიმერის-ძეს
  59. ცკვიტიანიძეს ფეოდოსია ფარნაოზის ასულს
  60. ცხოვრებოვას როზა ტიმოთეს ასულს
  61. ცხოვრებოვს ალექსანდრე პეტრეს-ძეს
  62. წულეისკირს ნინო იოსების ასულს
  63. წივწივაძეს იოსებ მიხეილის-ძეს
  64. ჭეიშვილს ივანე დიმიტრის-ძეს
  65. ჯაჯანიძეს ნინო ლევანის ასულს
- თბილისის № 44 საშუალო სკოლის მასწავლებელს
- ტყიბულის № 2 საშუალო სკოლის სასწავლო ნაწილის გამგეს
- სიღნაღის რაიონის სოფელ ვაჭირის საშუალო სკოლის მასწავლებელს
- სტალინირის № 2 საშუალო სკოლის სასწავლო ნაწილის გამგეს
- წალკის რაიონის სოფელ ხადიკის 7-წლიანი სკოლის დირექტორს
- მუშა-ახალგაზრდობის ფოთის № 2 საშუალო სკოლის დირექტორს
- თეთრიწყაროს რაიონის განათლების განყოფილების გამგეს
- რკინიგზის № 5 საშუალო სკოლის სასწავლო ნაწილის გამგეს
- ქუთაისის № 19 საშუალო სკოლის მასწავლებელს
- ბათუმის № 1 საშუალო სკოლის მასწავლებელს
- ყაზბეგის საშუალო სკოლის მასწავლებელს
- ახალციხის № 3 საშუალო სკოლის სასწავლო ნაწილის გამგეს
- მუშა-ახალგაზრდობის რესპუბლიკური დაუსწრებელი საშუალო სკოლის სასწავლო ნაწილის გამგეს
- პედაგოგიურ მეცნიერებათა ინსტიტუტის უმცროს მეცნიერ თანამშრომელს
- მასწავლებელთა დახელოვნების ინსტიტუტის მათემატიკის მეთოდური კაბინეტის გამგეს
- ხაშურის № 1 საშუალო სკოლის მასწავლებელს
- ბოლნისის საშუალო სკოლის მასწავლებელს
- სტალინირის № 3 საშუალო სკოლის დირექტორს
- ჯავის საშუალო სკოლის დირექტორს
- ქუთაისის № 8 საშუალო სკოლის მასწავლებელს
- აბაშის რაიონის სოფელ გეზათის 7-წლიანი სკოლის მასწავლებელს
- ქუთაისის № 3 საშუალო სკოლის მასწავლებელს
- ყვარლის რაიონის სოფელ ენისელის საშუალო სკოლის მასწავლებელს





- |                               |  |
|-------------------------------|--|
| 66. ჯაიანს სერგი<br>კადოს-ძეს | — ხულოს რაიონის სოფელ ხიხაძირის სა-<br>შუალო სკოლის მასწავლებელს |
| 67. ჯაშს სამსონ<br>პეტრეს-ძეს | — მაზარაძის № 1 საშუალო სკოლის მას-<br>წავლებელს.                |

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ. თბილისი.

1959 წ. 29 აპრილი.

**11. ბრძანებულება მედლით „ხანძარზე მამაცობისათვის“ დაჯილდოების  
შესახებ**

სსრ კავშირის უმაღლესი საბჭოს პრეზიდიუმის 1957 წლის 31 ოქტომბ-  
რის ბრძანებულების საფუძველზე, ხანძრის ჩაქრობის დროს გამბედაობისა  
და თავგანწირულობის გამოჩენისათვის, სსრ კავშირის უმაღლესი საბჭოს  
პრეზიდიუმის სახელით დაჯილდოვდნენ:

**მედლით „ხანძარზე მამაცობისათვის“**

- |                                     |                      |
|-------------------------------------|----------------------|
| 1. გრივაჩი ვლადიმერ<br>გრიგოლის-ძე  | — ზემდეგი            |
| 2. დროზდოვი კირილე<br>მიხეილის-ძე   | — უფროსი სერჟანტი    |
| 3. ვოლოხი ნიკოლოზ<br>ვასილის-ძე     | — ეფრეიტორი          |
| 4. კავთიაშვილი ნიხეილ<br>ვასილის-ძე | — ტექნიკი-ლეიტენანტი |
| 5. კობესაშვილი ოგანეზ<br>ბიცოს-ძე   | — ზემდეგი            |
| 6. პანოვი ნიკოლოზ<br>მიხეილის-ძე    | — რიგითი             |
| 7. სტეპოვოვი ვლადიმერ ივანეს-ძე     | — რიგითი             |
| 8. ფასურაშვილი არჩილ<br>ივანეს-ძე   | — უმცროსი სერჟანტი.  |

საქართველოს სსრ უმაღლესი საბჭოს  
პრეზიდიუმის თავმჯდომარე გ. ძოწენიძე.

საქართველოს სსრ უმაღლესი საბჭოს  
პრეზიდიუმის მდივანი ზ. გელდიაშვილი.

ქ. თბილისი.

1959 წ. 16 მაისი.



12. მრავალშვილიანი დედების „სახელოვანი დედის“ ორდენებითა და „დე-  
დობის მედლის“ მედლებით დაჯილდოების შესახებ

სსრ კავშირის უმაღლესი საბჭოს პრეზიდიუმის 1944 წლის 8 აგვისტოს  
ბრძანებულების საფუძველზე საქართველოს სსრ უმაღლესი საბჭოს პრეზიდი-  
უმმა 1959 წლის 16 მაისის ბრძანებულებით დააჯილდოვა „სახელოვანი დე-  
დის“ ორდენებითა და „დედობის მედლის“ მედლებით 317 მრავალშვილიანი  
დედა, მათ შორის:

ქალაქ თბილისიდან . . . . .	18
ქალაქ ქუთაისიდან . . . . .	6
ადიგენის რაიონიდან . . . . .	8
ახალციხის „—“ . . . . .	13
ზოგდანოვკის „—“ . . . . .	24
ბორჯომის „—“ . . . . .	3
გორის „—“ . . . . .	7
გურჯაანის „—“ . . . . .	4
დმანისის „—“ . . . . .	66
თეთრიწყაროს „—“ . . . . .	23
თელავის „—“ . . . . .	5
თიანეთის „—“ . . . . .	8
კასპის „—“ . . . . .	27
მახარაძის „—“ . . . . .	20
სამტრედიის „—“ . . . . .	15
საჩხერის „—“ . . . . .	13
სიღნაღის „—“ . . . . .	6
ტყიბულის „—“ . . . . .	3
ქარელის „—“ . . . . .	7
ცხაკაიას „—“ . . . . .	6
წალკის „—“ . . . . .	6
ხაშურის „—“ . . . . .	20
ლენინგორის „—“ . . . . .	3
ქალაქ სტალინირიდან . . . . .	6

